



Broj/Broj: 01/6-50-1-6-24/06
Sarajevo/Sarajevo: 14.02.2006.godine

Z A P I S N I K
24. sjednice Komisije za promet i komunikacije,
održane 14.02.2006. godine

Sjednica je održana 14.02.2005., s početkom u 09,00 sati.

Sjednici su prisustvovali članovi Komisije:

- | | |
|-----------------------------------|---------------------|
| 1. Miloš Jovanović, predsjedatelj | 7. Izet Hadžić |
| 2. Ivo Lozančić | 8. Milorad Živković |
| 3. Muhamed Moranjkic | 9. Nenad Mišić |
| 4. Ruža Sopta | |
| 5. Selim Bešlagić | |
| 6. Adem Huskić | |

U ime Državne regulatorne komisije za električnu energiju sjednici su prisustvovali: Željko Topić, predsjednik, i Vladimir Dokić, član.
Sjednici je prisustvovao i privremeni sekretar Komisije Ahmed Jalovičić.

Predsjedavajući Miloš Jovanović predložio je sljedeći

D N E V N I R E D

1. Verificiranje Zapisnika 23. sjednice, održane 26.01.2006.godine,
2. Razmatranje Izvješće o radu Državne regulatorne komisije za električnu energiju u 2005.godini i Financijskog plana Državne regulatorne komisije za električnu energiju za 2006.godinu,
3. Izvješće Ministarstva komunikacija i prometa BiH o aktivnostima na Projektu "Autoput na koridoru 5C",
4. Ostala pitanja.

Dnevni red jednoglasno prihvaćen.

Ad. 1.

Na prijedlog Zapisnika nije bilo primjedbi, pa je Komisija jednoglasno verificirala Zapisnik 23. sjednice održane 26.01.2006.godine.

Ad.2

Predsjedatelj je podsjetio da je Izvješće o radu Državne regulatorne komisije za električnu energiju u 2005.godini podnesen u roku utvrđenom zakonom, te pozvao predstavnike DERK-a da daju uvodnu riječ o Izvješću.

Željko Topić je istakao da je Komisija u 2005.godini donijela sva potrebna pravila i provela postupke koji su omogućili donošenje odluka o tarifama i licenciranju djelatnosti prijenosa, Nezavisnog operatora sistema i međunarodne trgovine električnom energijom, te da DERK u svom radu saraduje i harmonizira svoje djelovanje sa komisijama za električnu energiju u Federaciji BiH i Republici Srpskoj. Naveo je da je potpisan Ugovor o uspostavi Energetske zajednice 25. listopada 2005. u Atini, čime je Bosna i Hercegovina potvrdila svoju oprijedjenost za reformu energetskog sektora i liberalizaciju tržišta energije. Smatra da je potrebno preduzeti odgovarajuće mjere u cilju zaštite socijalno ugroženog stanovništva, te da će učiniti sve što je u njihovoj nadležnosti da ne bude naglog povećanja cijena električne energije, unatoč stalnim pritiscima. Dalje je naglasio da je formiran Elektroprijenos BiH sa sjedištem u Banjaluci, za obavljanje djelatnosti prijenosa električne energije, čime su stvoreni svi formalno pravni uslovi za neograničenu i slobodnu trgovinu, kao i kontinuirano snabdijevanje potrošača električnom energijom.

Na pitanje predsjedatelja šta će konkretno poduzeti za zaštitu kupaca, Topić je odgovorio da nije uloga DERK-a da se brine o socijalnom statusu kupaca, jer se prodaja vrši na tržišnim principima, te da je nužno ostvariti saradnju sa vladama kako bi se procenat PDV-a odvojao za zaštitu socijalno ugroženih kategorija.

Ruža Sopta je postavila pitanje da li će razdvajanje proizvodnje i prenosa električne energije uticati na cijenu, odnosno da li se prestrukturiranjem može sniziti cijena, kao i kako će eventualno poskupljenje uticati na privredu?

Željko Topić je odgovorio da se uspostavljanjem jedne kompanije želi postići racionalizacija troškova, ali da se ne mogu u prvoj godini razdvajanje proizvodnje i distribucije postići željeni efekti, odnosno da se snizi cijena. Takođe, nesporno je da će se uspostavljanjem jedinstvene kompanije pojaviti višak zaposlenih, te da taj problem neće moći sam riješavati menadžment bez pomoći nadležnih institucija. Istakao je da se zalažu za cijenu prenosa iz 2004. godine, kao i da više faktora utiče na konačnu cijenu električne energije, odnosno da se moraju ispunjavati sve kreditne obaveze, da privreda radi sa malim kapacitetima i da je to začaran krug.

Ruža Sopta je istakla da ima podatke da je cijena prenosa po megavatu bila 2,8 eura a da je sada 5, 4 eura, te da li je izvoz struje oslobođen plaćanja prenosa?

Željko Topić je odgovorio da se kroz učešće u fondu Sibit smanjila tarifa prenosa, ali da svi subjekti koji izvoze moraju participirati u troškovima prenosa.

Izet Hadžić je upitao na koji način Parlament može pomoći DERK-u, kao i da li raspolažu podacima o cijene za privredu BiH u odnosu na ostale zemlje?

Topić je odgovorio da su naše cijene jako niske u odnosu na zemlje Zapadne Evrope, da je u Njemačkoj duplo skuplja, kao i da je prenos u Hrvatskoj skuplji, a u Srbiji i Crnoj Gori jeftiniji.

Komisija je jednoglasno usvojila zaključak da DERK dostavi Komisiji uporedne cijene električne energije u odnosu na zemlje u okruženju.

Vladimir Dokić je ukazao da trenutno egzistiraju tri elektroprivrede, koje se moraju objediniti, a da će za prenos biti jedna tarifa i da to nije sporno. Smatra da je neminovno povećanje cijena, te da je realnost da se smanji proizvodna cijena za industriju a da se poveća za stanovništvo. Istakao je da je DERK spreman pomoći u zaštiti socijalno ugroženih kategorija stanovništva, ali da se moraju

uključiti i nadležna ministarstva u Federaciji BiH i Republici Srpskoj, kao i nadležno ministarstva BiH.

Ivo Lozančić je ukazao kako je 2005. godina prva cjelokupna godina rada DERK-a, te pitao šta se namjerava poduzeti da bi cijena bila prihvatljiva za potrošače?

Željko Topić je odgovorio da je cilj stvoriti podlogu da se od 2007. godine omoguće takvi uslovi na tržištu veliki potrošači samostalno kupuju, tako da primjera radi Aluminij kupi u Rumuniji električnu energiju na duži period po povoljnijim cijenama od naših, a da je donji prag za ovakve nabavke deset gigavata.

Muhamed Moranjkić je mišljenja da bi bilo korisno da u DERK-u sačine pregled zakonske regulative za koju smatraju da je potrebna i da su im poslanici na raspolaganju za saradnju, kao i da se mora prvo formulirati koje su to socijalno ugrožene kategorije stanovništva.

Željko Topić se zahvalio na ponuđenoj saradnji i istakao da će ta saradnja biti jako korisna u njihovom daljem radu.

Predsjedavajući je zaključio raspravu, pa je cijeneći navedeno Komisija jednoglasno usvojila Izvješće o radu Državne regulatorne komisije za električnu energiju u 2005. godini u ponuđenom tekstu.

Također, Komisija je u raspravi o ovoj tački dnevnog reda usvojila zaključke koje upućuje Predstavničkom domu na usvajanje:

1. Uzimajući u obzir činjenicu da je uvođenjem PDV-a došlo do povećanja cijena električne energije, predlaže se Vijeću ministara BiH, Vladi Federacije BiH i Vladi Republike Srpske, da sačini Program zaštite socijalno ugroženih kategorija stanovništva, s ciljem ublažavanja posljedica uvođenja PDV-a za ovu kategoriju potrošača.

2. Sugerira se nadležnim institucijama da preduzmu sve potrebne mjere kako ne bi došlo da značajnog povećanja cijena električne energije.

U smislu odredbi člana 89. Poslovnika Predstavničkog doma doma Parlamentarne skupštine BiH, za izvjestioca u plenarnoj fazi imenovan je predsjedavajući Komisije Miloš Jovanović.

Ad. 3

Predsjedavajući je predložio da se ova tačka dnevnog reda razmatra na sljedećoj sjednici, pošto upravo teba da počne sjednica Doma, što je jednoglasno prihvaćeno.

Sjednica Komisije završena je u 10,00 sati.

PRIVREMENI TAJNIK KOMISIJE
Ahmed Jalovičić

PREDSJEDATELJ KOMISIJE
Miloš Jovanović